

Sarajevo,
Broj:



**KLINIČKI
CENTAR
UNIVERZITETA
SARAJEVO**

063-2523

14-07-2017

Na osnovu člana 70. Zakona o javnim nabavkama BiH (Službeni glasnik BiH, broj 39/14), člana 37. Statuta Kliničkog centra Univerziteta u Sarajevu, na prijedlog Komisije za javne nabavke prema Izvještaju o sprovedenom postupku javne nabavke br. 0305-32276 od 13.07.2017.godine, Generalna direktorica donosi:

ODLUKU

o dodjeli Okvirnih sporazuma sa više kvalifikovanih dobavljača za nabavku sredstava za svakodnevnu higijenu za potrebe svih OJ KCUS-a za 2017.godinu-Deterdžent za pranje suđa (T:007-A-17)

I

Na osnovu ponovno provedenog Otvorenog postupka sa objavom obavještenja br.893-1-1-246-3-187/17, okvirni sporazumi za nabavku sredstava za svakodnevnu higijenu za potrebe svih OJ KCUS-a za 2017.godinu-Deterdžent za pranje suđa, dodjeljuje se kvalifikovanim ponuđačima u postupku, po sljedećoj rang listi:

Lot 2- TEČNI DETERDŽENTI ZA SUĐE

Red.br.	Ponuđač	Jedinična vrijednost Lot-a /KM bez PDV-a	Procjenjena vrijednost LOT-a/KM bez PDV-a
1.	Gold Mignon d.o.o.	750,00 KM	10.000,00 KM
2.	R&S d.o.o.	851,00 KM	

Ostali uslovi:

- Odgođeno plaćanje: 60 dana nakon isporuke robe i ispostavljanja fakture;
- Rok isporuke: 5 radnih dana od dana prijema narudžbenice.

Ostali elementi Okvirnih sporazuma:

- FCO skladište kancelarijskog i potrošnog materijala;
- Cijene su nepromjenjive za vrijeme trajanja okvirnog sporazuma;
- Okvirni sporazum se zaključuje na 12 mjeseci;
- Nabavka će se vršiti do pocjenjene vrijednosti lot-a.

Okvirni sporazumi će se zaključiti sa navedenim kvalifikovanim ponuđačima, dok će se narudžbenice za isporuku robe prvo dostavljati prvoplasiranom dobavljaču. U slučaju da isti nije u mogućnosti isporučiti robu, narudžbenica će se dostavljati drugoplasiranom ponuđaču.

Član 32. Stav (4) Zakona o javnim nabavkama BiH navodi da...Okvirni sporazum može se zaključiti i s dva ponuđača u slučaju ponavljanja postupka zbog nedovoljnog broja primljenih ponuda.

II

Odluka stupa na snagu danom donošenja

OBRAZLOŽENJE

Klinički centar Univerziteta u Sarajevu je na portalu Agencije za javne nabavke objavio otvoreni postupak br. 893-1-1-246-3-187/17 od 19.06.2017. godine za dostavu ponuda za izbor najpovoljnijih

ponuđača za nabavku sredstava za svakodnevnu higijenu za potrebe svih OJ KCUS-a za 2017.godinu-Deterdžent za pranje suđa.

Na Protokol Kliničkog centra Univerziteta u Sarajevu u datom vremenskom roku do 10.07.2017.godine dostavljene su četiri (4) ponuda i to ponude slijedećih firmi: Gold Mignon d.o.o. Sarajevo, R&S d.o.o Sarajevo, Inter – Com d.o.o. Zenica, Defter d.o.o. Sarajevo.

Javno otvaranje ponuda održano je dana 10.07.2017.godine u 11:00h u sali za sastanke na lokaciji «Abdominalne hirurgije C9». Komisija za odabir najpovoljnijih ponuđača je konstatovala da su ponude pristigle blagovremeno, te da su formalno pravno ispravne ponude ponuđača Gold Mignon d.o.o. i R&S d.o.o., a ponude ponuđača Inter-com d.o.o. Zenica i Defter d.o.o. Sarajevo nisu formalno pravno ispravne i nisu uzete u dalje razmatranje.

Ponuda ponuđača Inter-com d.o.o. Zenica ne zadovoljava traženim tehničkim karakteristikama za stavku 1.2. Tenderskom dokumentacijom tražen je deterdžent za ručno pranje posuđa, prijatnog mirisa, da štiti ruke prilikom upotrebe, zaštita za ruke glicerina, kamilica, badem, aloe vera **sadrži od 5-15% anionskih sastojaka i <5% nejonskih sastojaka**

Tisal, Glanz, 3D, Likvi ili ekvivalent

Pakovanje 1000 ml

Ponuđač je ponudio proizvod Clean, proizvođača Boshem d.o.o. Zenica, koji ima niži postotak anionskih i nejonskih sastojaka. Obzirom da se radi o ponovnom postupku nabavke, jedan od ponuđača u prethodnom postupku nabavke Deterdženta za pranje suđa dostavio je u sastavu ponude tehničko-sigurnosni list proizvoda CLEAN, proizvođača Boshem d.o.o., kojim se potvrđuje umanjeno postotak anionske tvari <5%, dok je traženo 5-15%, i <2,5% nejonskih, a tehničkom specifikacijom traženo je <5%.

Tehnički list koji je dostavio ponuđač Inter-com u sklopu ponude nije uzet kao relevantan dokument. Ponuda ponuđača Inter-com nije uzeta u dalje razmatranje.

Ponuđač Defter nije dostavio sigurnosno-tehnički list ponuđenih proizvoda u sklopu svoje ponude, iako je isto traženo Aneksom 3. „Obavezno dostaviti sigurnosno-tehnički list proizvoda”. Ponuda ponuđača Defter nije uzeta u dalje razmatranje.

Smatram da je Komisija pravilno postupila kada je uzela u obzir gore navedene činjenice i iz tih razloga prihvatam prijedlog Komisije i donosim odluku kao u dispozitivu.

GENERALNA DIREKTORICA:

Prof.dr. Sebilja Izetbegović

PRAVNA POUKA:

Protiv ove Odluke može se uložiti Žalba putem ugovornog organa odnosno KCUS-u u pisanoj formi, u roku od deset (10) dana od dana kada je podnositelj saznao ili je trebao saznati za navodnu povredu Zakona o javnim nabavkama BIH u toku konkretnog postupka.

Dostaviti:

- Sektor za ekonomsko-finansijske poslove;
- Ponuđaču;
- a/a